

## Evening Dogri News Bulletin, 29 August 2024

इवनिंग डोगरी न्यूज़ बुलेटिन

समे-18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-  
खास खबरें कन्नै में प्रोमिला जम्वाल।



### Headlines

- 1 उत्तरी कश्मीर दे कुपवाड़ा जिले च कब्जा रेखा पर घुसपैठ खिलाफ चला'रदे द'ऊं बकख-बकख टाकरें च 3 आतंकवादी मारे गे न।
- 2 फौज दी उत्तरी कमान दे कमांडर लेफ्टिनेंट जनरल एम.वी सुचिंद्र कुमार होरें अज्ज राजौरी सेक्टर च कब्जा रेखा ते अंदरूनी इलाकें च तैनात सैनिकें कन्नै मलाटी कीती।
- 3 भारती चुनांस आयोग नै जम्मू-कश्मीर च असंबली चुनाएं दे दुए मरहले लेई अधिसूचना जारी कीती।

- . 4 18 सितंबर गी जम्मू-कश्मीर च त्र'ऊं गेड़ें च शुरू होने आले  
असेंबली चुनाएं शा पैहलें जम्मू डिविजन च नीम फौजी बलें  
दियां तकरीबन 300 बाद्दू कंपनियां तैनात कीतियां जाडन।

<><><><><><>

ते हुन खबरें दी तफसील कन्नै विजय बजाज।

### Infiltration-Kupwara

उत्तरी कश्मीर दे कुपवाड़ा जिले च कब्जा रेखा पर बन्ने पारा  
करोआई जा'रदी घुसपैठ गी रोकने ताईं चलाए जा'रदे घुसपैठ गी  
रोकने ताईं चलाए जा'रदे दऊं बकख-बकख टाकरें च 3 आतंकवादी  
मारे गे। भारतीय सेना दे चिनार कोर मुजब 1 टाकरा माच्छिल  
सेक्टर च ते दुआ टंगधार सेक्टर च चला रदा ऐ। जम्मू-कश्मीर  
पुलिस दे महानिदेशक आर.आर स्वैन होरें आकाशवाणी खबरें गी  
दस्सेया जे 1 आतंकवादी टंगधार सेक्टर च ते दऊं आतंकवादिएं गी  
मच्छिल सेक्टर च गोली मारी दिती गई। उनें आखेआ।

तोआई जंदी रातीं जिला राजौरी ते लाठी गां च सुरक्षाबलें ते आतंकवादिएं बशकार उस्सले टाक्करा भखी पेया जिसले सुरक्षा बलें आतंकवादिएं गी संदिग्ध नकलोहरकत दिक्खदे होई सुरक्षाबलें इलाके दी घेराबंदी कीती। इलाके च 2 शा 3 आतंकवादिएं दे फंसे दे होने दी शँका ऐ। इलाके दी घेराबंदी गी होर तगड़ा करने लेई बाद्दू सुरक्षा बल तैनात कीते गे न। अधिकारिएं दस्सेया जे खराब मौसम करी तपाश मुहिम च रूकावट आवा रदी ऐ ते मौसम साफ होने मगरा तपाश फही शुरू कीती जाग।



## GoC Visit

फौज दी उत्तरी कमान दे कमांडर लेफ्टिनेंट जनरल एम.वी सुचिंदरा कुमार होरें अज्ज राजौरी सैक्टर च कब्जा रेखा ते किश अंदरूनी इलाकें च तैनात जवानें कन्नै मलाटी कीती ते उनेंगी फौजी कार्रवाइएं मतल्लक तैयारियां बरकरार रक्खने लेई आखेआ।

आकाशवाणी दे जम्मू संवाददाता मुजब, प्रदेश च 18 सितंबर थमां  
होने आले विधानसभा चुनाएं दे मद्देनजर सुरक्षा हीलें दा जायजा  
लैने आस्तै फौजी कमांडर होर बन्ने आले इलाकें दे दौरे ला करदे  
न। सुंदरबनी सैक्टर दे अपने दौरे दौरान व्हाईट नाइट कोर दे  
कमांडर बी उंदे कन्नै हे। लेफ्टिनेंट जनरल होरें बल दे सैहयोगी  
युनिटें दा बी दौरा लाया ते फौजी अधिकारिएं ते जवानें गी आखेआ  
जे ओह कार्रवाईएं मतल्लक तैयारियां बरोबर जारी रक्खन।

<><><><><><>

### Prasad-Conclave

इलेक्ट्रनिक्स ते सूचना तकनीकी केंद्री मंत्री जितिन प्रसाद होरें  
अज्ज नमीं दिल्ली च डिजिटल भारत आर्थिक कन्क्लेव गी संबोधित  
कीता। इस मौके बोलदे होई मंत्री होरें आखेआ जे भारत स्टार्ट अप्स  
दा महाकुम्भ ऐ। उनें आखेआ पिछले 10एं बरें च मुल्खै नै हर 40एं  
मिंटें मगरा इक स्टार्ट अप शुरू कीता ऐ। श्री प्रसाद होरें आखेआ जे  
मुल्खै दे 1 लक्ख 40 जहार स्टार्ट अप्स शा 45 फीसदी दी अगुवाई

महिलां करा'रदियां न ते सब्भनें स्टार्ट अप्स शा अद्दे दियां  
घट्ोघट्ट इक महिला डायरेक्टर न। मंत्री होरें दस्सेया जे बजट च  
10 जहार करोड़ रपे आर्टिफिशल इंटेलीजेंस मिशन लेई मंजूर कीते  
गेदे न। भारत दे ए.आई मिशन बारै दस्सदे होई उनें आखेआ जे  
भारत नै मुखै च ए.आई बनाने ते ए.आई गी भारत लेई कम्म  
करने दा धेय्या कीते दा ऐ।

<><><><><><>

### National-Sports Day

अज्ज खड्ढें सरबन्धी राश्ट्री ध्याड़ा मनाया जा'रदा ऐ। एह ध्याड़ा  
हाँकी दे जादूगर खोआने आले मेजर ध्यानचंद हुंदी जयंती दे मौके  
पर मनारया जंदा ऐ। एह ध्याड़ा मेजर ध्यानचंद हुंदी विरासत दे  
सम्मान ते शारीरिक गतिविधिं ते खेड्णें दे महत्व गी दर्शादा ऐ।  
युवा मामलें ते खेड्ढ मंत्री डॉक्टर मनसुख मांडविया होरें अज्जै दे  
ध्याड़े दे मौके पर सब्भनें नागरिकें गी घट्टोघट्ट इक घँटा खेड्णें गी  
समर्पित कने दा आह्वान कीता ऐ। उनें आखेआ जे प्रधानमंत्री नरेंद्र

मोदी हुंदा सुखना भारत गी इक तंदरुस्त राष्ट्र बनाने दा ऐ।  
डाक्टर मांडविया होरें अज्ज बड्डलै नमीं दिल्ली दे मेजर ध्यान चंद  
नेशनल स्टेडियम च मेजर ध्यान चंद होरें गी पुष्पांजलि अर्पित  
कीती। मीडिया कन्नै गल्ल करदे होई उनें आखेआ जे देसै दे  
नागरिकें गी सेहतमंद रौहना लोडऋचदा ऐ। मंत्री होरें सब्बनं नागरिकें  
गी अज्ज राष्ट्रव्यापी उत्सव च हिस्सेदारी दी गुजारश कीती। शिड़क,  
ट्रांसपोर्ट ते जरनैली शिड़कें दे केंद्री मंत्री नितिन गडकरी होरें मेजर  
ध्यानचंद हुंदी जयंती पर उनेंगी श्रद्धांजलि अर्पित कीती। उनें राष्ट्री  
खेड्ठ दिवस दे मौके पर सब्बनं देशवासिएं गी शुभकामनां दितियां।



### PM-Sports Day

प्रधानमंत्री नरेंद्र मोदी होरें आखेआ ऐ जे सरकार खेड्ठें गी समर्थन  
देने ते होर मते युवाएं गी खेड्ठें ते प्रतिभा दे प्रदर्शन च सैहयोग देने  
लेई बचनबद्ध ऐ। राष्ट्री खेड्ठ दिवस पर शुभकामनां दिंदे होई मोदी  
होरें आखेआ जे समूलचा देश भारती हॉकी दे महान खड्ढारी मेजर

ध्यानचंद होंरें गी अज्ज श्रद्धांजलि अर्पित करै करदा ऐ। उनें आखेआ जे एह सब्बनें खेड्ठ प्रेमिएं ते देसै लेई खेड्ठने आले खड्ठारिएं दी सराहना करने दा मौका ऐ।

<><><><><><>

### Accident-Mughal Road

मुगल रोड पर अज्ज होए दे इक शिड़क हादसे च 1 जने दी मौत ते 8 लोक जख्मीं होई गे न। पुलसै मुजब, एह हादसा अज्ज बड्ठलै चंडीगढ़ दे नेड़े होआ। जख्मिएं गी सुरनकोट दे उपजिला अस्पताल पुजाया गेआ जित्थुआं गंभीर तौर पर ज़ख्मीं त्रुं जनें गी माहिराना इलाज लेई जीएमसी राजौरी रैफर करी दिता गेआ। इस सरबंधै च पुलसै मामला दर्ज करी लैता ऐ।

<><><><><><>

ते हुन बाकी दिएं खबरें कन्नै प्रोमिला जम्वाल।

### ECI-Notification JK

भारतीय चुनांs आयोग नै जम्मू-कश्मीर च असैम्बली चुनाएं दे दुए गेड़ लेई अधिसूचना जारी करी दिती ऐ। एहदे कन्नै गै इस गेड़ दे चुनां लेई नामांकन भरने दी प्रक्रिया शुरू होई गेई ऐ। नामांकन दाखल करने दी खीरी तरीक 5 सितंबर ऐ ते नामांकन पत्रें दी जांच 6 सितंबर गी कीती जाग। मेदवार जेगर चाहन तां 9 सितंबर तगर अपनी मेदवारी परताई सकंगन। इस गेड़ तैहत 25 सितंबर गी 6एं जिलें दे कुल 26 विधानसभा हल्कें च वोट पोआए जांगन। इनें जिलें च गांदरबल, श्रीनगर, बडगाम, राजौरी, पुंछ ते रियासी जिले शामिल न। चुनावी नतीजें दा ऐलान 4 अक्टूबर गी कीता जाग।

<><><><><><><>

### RO-Notification

हवेली, मेंढर ते सुरनकोट हल्कें दे रिटर्निंग अफसरें अज्ज अधिकारिक तौर पर इक नोटिस जारी कीता ऐ जेदे च इनें हल्कें च असैम्बली चुनां लेई नामांकन भरने दी प्रक्रिया दे शुरू होने दा ऐलान कीता



गेआ ऐ। इस बारै सहाड़े जिला संवाददाता अनुभव मिसरी कन्नै गल्ल  
करदे होई रिटर्निंग अफसर कदर उल रहमान होरें आखेआ।

<><><><><><>

### Chunav Prachala Reasi

स्वीप प्रोग्राम तैहत चुनाव पाठशाला दा आयोजन सरकारी नर्सिंग  
कालेज रियासी च कीता गेआ। अपने किस्म दी इस पैहलकदमी दा  
मकसद पैहली बारी वोट पाने आले मतदाताएं च मतदान प्रक्रिया बारे  
जागरूकता बढ़ाना ते उनेंगी इस लोकतांत्रिक प्रक्रिया च सरगर्मी  
कन्नै हिस्सा लैने लेई प्रेरित करना हा। कालेज दे विद्यार्थिं इस  
मौके पर संगीत ते व्याख्यानं राहें नागरिकें गी वोट पाने दी महत्ता  
बारै दस्सेया। स्वीप दे नोडल अफसर ते इक नौजवान मतदाता नै  
दस्सेया।

<><><><><><>

## Security-Election

संघ शासित जम्मू-कश्मीर च औंदी 18 सितंबर गी त्रऊं मरहलें च शुरु होने आहले विधानसभा चुनाएं लेई नीम फौजी बलें दियां 300 बाद्दू कंपनियां तैनात कीतियां जांगन। आकाशवाणी जम्मू दे संवाददाता मुजब सीआरपीएफ, सीमा सुरक्षा बल, सशस्त्र सीमा बल ते भारत तिब्बत बार्डर पोलीस दियां कंपनियां, जम्मू डिविजन च चुनाएं दौरान सुरक्षा यकीनी करने लेई ते असंबली चुनाएं दे बेहतर तरीके नै तोड़ चाढ़ने लेई तैनात कीतियां जांगन। जम्मू-कठुआ रेंज दे डीआईजी शिव कुमार शर्मा होरें बड़ी ब्राहमणा रेलवे स्टेशन पर पोलीस रिसेप्शन केंद्र च नीम फौजी दस्तें दी रिहायश दे बंदोबस्त दा जायजा लैता ते अफसरें गी ड्यूटी दौरान स्थानीय पोलीस अधिकारिएं कन्ने पूरा-पूरा सहयोग देने लेई आखेआ। एह नीम फौजी दस्ते चुनाएं दौरान जम्मू, कठुआ ते साम्बा जिलें च तैनात रौहंगन। जम्मू डिविजन दे जम्मू कठुआ, साम्बा ते उधमपुर जिले च त्रीए मरहले तैहत पैहली अक्टूबर 2024 गी चुनां करोआए जाने

न। पैहले गेड़ दे असंबली चुनां औंदी 18 सितंबर गी, दुए मरहले दे चुनां 25 सितंबर गी ते अखीरी मरहले दे असंबली चुनां पैहली अक्टूबर गी करोआया जाना तय कीता गेदा ऐ।



## **CEO-Candidates**

जम्मू-कश्मीर दे मुख चुनां अधिकारी हुंदे दफतरै च औंदे असैम्बली चुनां लेई लोड़चदी बक्ख-बक्ख इजाजतें बारै सब्बनें सरबंधत धड़ें लेई ब्यौरेवार जानकारी जारी कीती ऐ। मुख चुनां अधिकारी हुंदा दफतर प्रदेश च सियासी पार्टिं आस्सेया प्रचार सामग्री दी ढो-ढुआई लेई गड़डिं सरबंधी इजाजतां जारी करोग। इंदे च स्टार प्रचारकें लेई गड़डी दी इजाजत पाटीर औहदेदारें लेई गड़डी दी इजाजत ते प्रदेश स्तर पर वीडियो वैंस लेई इजाजतां बी शामिल न। एहदे अलावा इजाजतां देनेददा अखितयार रिटर्निंग अफसरें गी दिता गेआ ऐ। इंदे बारै मती जानकारी लेई मेदवार ते सियासी पार्टियां

<https://suvidha.eci.gov.in> पोर्टल पर जाई सकदे न।



## Security 1<sup>st</sup> phase

विधानसभा चुनाएं दे पैहले गेड़ लेई दाखल नामजदगिएं दी जांच आली प्रक्रिया कल तोढ़ चाढ़ी गई। हासल होई दिएं कुल 279एं नामजदगिएं चा 244 नामांकनक दुरूस्त पाए गे न। इस गेड़ लेई 23 लकख 27 जहार शा मते योग्य मतदाता 18 सितंबर गी वोट पांगन ते इंदे च 5 लकख 66 जहार युवा मतदाता बी शामिल न। रद्द कीते गेदे कुल 35एं नामांकन पत्रें चा 12 जम्मू संभाग ते 23 कश्मीर संभाग दे न। पैहले गेड़ दे चुनां लेई नां वापस लैने दी खीरी तरीक ते समां 30 अगस्त दपेहरी 3 बजे तगर ऐ।



## UPSC-Aadhar

सरकारै संध लोक सेवा आयोग UPSC गी मेदवारें दी पंछान प्रमाणित करने लेई उंदी अपनी मर्जी दी बिनाह पर आधार नंबर पर आधारित तस्दीक दी इजाजत देई दिती ऐ। पंजीकरण दे बेल्ले

ते म्तेहानें ते भर्थी दे बक्ख-बक्ख चरणें दरान एह तस्दीक कीती जाई सकदी ऐ। एह फैसला पूजा खेडकर हुंदी अंतरिम मेदवारी रद्द करने ते फर्जी पंछान दस्सिये सिविल सेवा म्तेहान च तय हद्द कोला मतियां कोशशां करने लेई उनेंगी भविकख दे सब्बै म्तेहान देने थमां रोकी देने दे हुकमै दे बाद आया ऐ।

<><><><><><>